

18. TIFIN AVEC TIFINE

Ti ennan inne fois inne femme mechante comme pas possible qui ti appelle Tifine. Son mari ti appelle Tifin. Tifin i tinne bon dimoune qui ou pas croire. Y ti supporte tous ca qui son bonne femme Tifine ti dire li.

Un jour qui zotte ti dans bon la lune tout le des, zotte ti faire zone inne promesse, qui l'heure inne entre zotte deux ia mort, ca qui a reste vivant y a veille cercueil camarade tout la journe comment lanuit.

Un jour alors Tifine ti arrive mort avant. Tifin y dire promesse ces promesse. Alors mon besoin tenir mon promesse. Ou conne sa l'epoque la pas ti ennan pere pour faire l'enterrement comment commela, alors Tifin y prend les corp Tifine son bonfemme y mette dans un joli caveau, apres y assise y veille, Le temps Tifin ti apres veille les corp son madame Tifine, y dire avec Tifine quand meme oune mort, mon gate tellement mon ti content ou, mon ti cherie ou inne quantite, nous ti vivre nous ensemble pendant 99 ans, ti manque nous zisse un ans pour nous celebre nous l'anniversaire, la aujourd'hui ou alle ou quite mon.

Tout d'meme y pas perde courage. Les temps y apres veille le corp Tifine son bonfemme, y senti inne bon l'odeur y leve son la tete y voir inne gros tigre assise en lere lo caveau Tifine. Sa tigre y largue inne joli pomme qui y tombe just lo nene Tifin. Tifin y baisse y ramasse sa pomme y prend y senti, y dire zotte sa pomme me y senti bon. Commela si mon bonne femme ti encore la li qui tia content senti sa bon l'odeur. Sa tigre y dire avec Tifin, "Tifin sa pomme y appelle leve l'an mort. Tifin y dire "Qui sa leve l'an mort, Tifin y leve lo son roche cote y ti ete, y alle y ouvert la porte caveau y prendre sa pomme y mette abord nene son bonfemme Tifine, alala Tifine qui y leve y dire avec Tifin, "Mon mari qui ou faire mon senti seulement y senti bon. Tifin pas repondre et y pas dire narien, zotte quitte caveau tout les deux bien galliards.

Ah! Be tine passe apeu pres trois mois, unne bateau y coste dans port cote Tifin ecque Tifine ti reste ou capable croire lere Tifine tinne voir capitaine sa bateau. Ah la Tifine qui inne voir unne maniere pour content capitaine. L'heure Tifin yne

comme il est trop tard. L'heure de son bateau n'est que de 5 jours dans port, Tifine y dit avec Tifin "Vine mange un la daube giraumont mure. Elle rode mon un giraumont la haut dans bitation, Pauvre Tifin y alle, l'heure y retourne na pas bateau, na pas Tifine. Tifine y loin avec capitaine. Pauvre Tifin y pas capable console lere y imagine son vieux Tifine malgré tous son défaut qui y ti ennan.

Un jour Tifin y gagne un passage dans un petit bateau pecheur pour li alle la peche. Par chance sa bateau y alle drive zisse dans un l'endroit cote sa bateau qui capitaine ecque Tifine y abord. L'heure sa p'tit bateau pecheur y coster a terre, Tifin y demande avec bande dimoune. "Le quel sa bateau qui la". Zotte dire li bateau capitaine Jack et li Tifine inne voir Tifin a bord sa bateau pecheur y leve cote i ti ete y alle casiette dans cabine capitaine. Y pe imagine qui maniere y pour faire pour li capable desparaitre Tifin.

Lendemain bon matin y prend bague capitaine Jack y donne avec un matelot y dire avec li, "Ta l'heure lere ou alle a terre, faire commeci dire n'arien ete prend sa bague met dans poche Tifin. Za z'homme qui voir li dans un linge tout en kaka. Seulement pas dire n'arien, rellement sa matelot pas tarde y descendre a terre, y faire tout sa qui madame capitaine inne dire li faire.

Vers 4 heure Tifine y dire avec Capitaine, tantot donne un partie a bord, invite tout sa bande matelots qui ti arrive hier dans sa p'tit bateau pecheur. Pas tarde capitaine y donne in warning a terre, qui y invite tout matelot qui ti arrive hier abord as p'tit bateau pecheur, a bord son bateau a 8 heure du soir.

L'heure tout matelot y tine arrive abord. Letand zotte pe cause, boire, rie, faire farce, dance. amuse zotte, Tifine y dire avec capitaine qui inne perdy son bague et li Tifin pas encore voit Tifine, mais i comme pour dire qui Tifine i la a bord. A la capitaine i commence batte la general pour voir sa quine prend son bague. La general y tombe zotte lo pauvre Tifin, sa lere pauvre Tifin pas comme n'arien qui n'arrive. Capitaine y condamne Tifin la tete coupe, Tifin ly i ti ennan inne bon z'ami dans un l'heure temps encore mon pour mort, mais demande capitaine mon le corp ou va alle enterre mon a terre, mon pas oule qui mon le corp y zotte dans di leau, ou va enterre mon entre des racine du bois, avant ou enterre mon ou va

leve un tas la paille ou vas voir un pomme prend sa pomme faire moi senti, mais pas dire n'arien, personne. Reelement capitaine y faire coupe li cou Tifin, avant capitaine y faire zeete les corp Tifin dans di leau, z'ami Tifin y dire avec capitaine comme sa, "Mon capitaine donne mon les corp Tifin pour moi alle enterre a terre. Capitaine y dire "prend si ou oule, mais mon conne qui monne touille li."

Un p'tit moment apres z'ami Tifin y descendre avec le corp Tifin a terre; y faire tout sa qui Tifin ti dire li, un p'tit moment Tifin inne vine un joli boule-doux, bien frais ou a croire qui y ennan 20 ans.

Mais seulement quand meme Tifine ti faire li passe misere, mais jamais Tifin ti oublie li, tout les jour y alle lo la sausse pour voir si Tifine pas vine, mais na pas Tifine. Un jour y arrive qui fille le roi y mort. Le roi y dire sa qui capable leve mon fille mon faire li vine gouverneur sa l'endroit. L'heure Tifin y tende sa nouvelle y souque son pomme y mette dans son poche y alle cotte le roi. En arrivant cote le roi y dire bonjour mon roi. Le roi y dire bonjour mon garcon, dire mon bonjour "leve l'an mort", y dire mon roi faire mon voir ou fille quine mort. Le roi y dire mon garcon ou pe fou, bande docteur qui plus savant y passe panne capable faire queque chose. D'apres ou ou pour capable leve mon fille. "Mon roi pas dire mon mon garcon, dire mon leve l'anmort". Le roi y faire li entre dans sa la chambre cotte le corp y ete, juste un seul coup fille le roi y leve y crie papa oli ou. Le roi bien content, alors y dire desormais Mr. Tifin qui Gouverneur pays, tout dimoune batte la main bien content.

Tifin quand meme y tine vine gouverneur, y ti pense toujours son Tifine, en disant qui un jour y a retourne. Vraiment un jour capitaine Jack, y demande permission avec Gouverneur pour li vine passe encore un cejours, dans son port. Sa message ti envoyer pas un telegramme sifon ble. Alors Gouverneur Tifin ti repondre Capitaine Jack li aussi pas un telegramme en disant qui y capable vine l'heure y content. Son semaine apres, bateau qui capitaine Jack y abord y traverse dans port, Gouverneur Tifin bien pour content pour li voir son Tifine. Mais y ti malice aussi qui y tia bon faire zotte un bon malice surtout avec capitaine Jack. L'heure bateau capitaine Jack ti arrive dans port, Gouverneur Tifin ti mette li en carantaine pour 8

jours. Neuvieme jour Gouverneur Tifin ti invite capitaine Jack avec son madame chez li. Capitaine Jack avec son madame bien content. Mais capitaine Jack pas conne si sa Gouverneur y Tifin, taleur qui zotte pour conne.

Letemps zotte pe boire un p'tit la sante, causer rie faire farce, entre zotte, Tifine madame capitaine y senti comme-ci sa Tifin. Cote y tine assiser y tine n'a pas. Y ti comment in diable dans de-leau benit. Un l'heure lestep zotte pe dinne Gouverneur Tifin ti faire un discour. Dans son discour y ti faire Tifine rappelle promesse qui zotte ti faire ensemble, apres son la mort qui ti arrive li pour li vine vivant encore et qui martyre zotte ti faire li passe. Enfin Tifin ti mette tout z'affaire au claire. Tifine le temps Tifin pe cause y ti baise son la tete en bas y ti pleure, et y ti beaucoup chagrin, y ti demande pardon Tifin y prend captain y met lidehors et Tifine retourne encore avec Tifin. Depuis ca jour zotte ti vivre zotte toujours heureux. Un matelot y dire avec capitaine "Mon capitaine qui ou gagne auzordi, comme ci ou pas pareille l'habitude." Capitaine y repond et y dire "Mon z'ami mon perdi femme." Sa matelot y tombe dans coin y mort rie. Quoi, quoi, quoi.